



Uhapšeni zbog **magneta**

SIPA je juče privela Gavrankapetanovića, Musića, Vukovića i Čedić-Butmir

Piše: **ALMIR ŠARENKAPA**

Bivši direktor Kliničkog centra Univerziteta u Sarajevu Faris Gavrankapetanović, bivši premijer KS-a Fikret Musić, bivši ministar zdravstva KS-a Zlatko Vuković i službenica KCUS-a Muvedeta Čedić-Butmir uhapšeni su jučer ujutro u akciji **SIPA** nazvanoj Magnet. Nalog je dalo Tužilaštvo KS-a, koje pobrojane sumnjiči za udruživanje u činjenju krivičnih djela.

U vrijeme kada su svi bili na funkcijama, izuzev Čedić-Butmir, koja je i danas desna ruka direktorice

KCUS-a Sebije Izetbegović, Klinički centar nabavio je CT aparat vrijedan 936.000 maraka, bez ispunjenog zakonskog uslova da se na tender moraju javiti bar tri firme. Tužilaštvo KS-a sumnjiči Gavrankapetanovića da je od 2004. do 2010. godine, provodeći javne nabavke, oštetio KCUS za 23,5 miliona KM.

No, predmet je dužio Ćazim Hanspahić, koji je potom napredovao do državnog Tužilaštva, pa je istraga stala. / STR 4. i 5.

Uhapšen Faris Gavrankapetanović

Osim bivšeg direktora KCUS-a, uhapšeni su nekadašnji premijer i ministar zdravstva KS-a Fikret Musić i Zlatko Vuković, te službenica KCUS-a Muvedeta Čedić-Butmir

Piše: **ALMIR ŠARENKAPA**

Bivši direktor Kliničkog centra Univerziteta u Sarajevu Faris Gavrankapetanović, koji je svojevremeno bio i direktor Zavoda zdravstvenog osiguranja KS-a, uhapšen je jučer u policijskoj akciji kodnog naziva Magnet. Osim njega, u akciji su uhapšeni i bivši premijer KS-a Fikret Musić, bivši ministar zdravstva KS-a Zlatko Vuković, kao i službenica KCUS-a Muvedeta Čedić-Butmir.

Javne nabavke

U toku akcije policija je pretresla i veći broj stambenih i pomoćnih objekata, kao i pokretnu imovinu osumnjičenih. Akciju je provela SIPA po nalogu Tužilaštva KS-a, a u saradnji sa Federalnom upravom policije, kao i MUP-om KS-a.

Po nalogu Kantonalnog tužilaštva, pripadnici SIPA lišili su slobode četiri osobe zbog krivičnih djela udruživanje radi činjenja krivičnih djela u vezi sa zloupotrebom položaja ili ovlaštenja. Osobe lišene slobode sumnjiče se za zloupotrebe prilikom javnih nabavki u UKC-u tokom 2011. i 2012. godine. Nakon kriminalističke obrade u SIPA, postupajuća tužiteljica odlučuje o daljnjim mjerama protiv osumnjičenih, saopćeno je iz sarajevskog Tužilaštva.

Gavrankapetanović je na čelu KCUS-a bio skoro 12 godina, od 2000. do 2012. Nakon toga, imenovan je za direktora Zavoda zdravstvenog osiguranja KS-a, gdje se zadržao oko godinu i po. To znači da ga Tužilaštvo KS-a sada sumnjiči za javne nabavke provedene u posljednje dvije godine direktorskog mandata.

Ranije je Tužilaštvo KS-a sumnjičilo Gavrankapetanovića da je od 2004. do 2010. godine, provodeći javne na-

bavke, oštetio KCUS za 23,5 miliona KM. Radilo se, između ostalog, o kupovini CT aparata vrijednog 936.000 maraka. Aparat je kupljen od mostarske firme Medical putem otvorenog postupka, iako nije bio ispunjen uslov da se na raspisani tender moraju javiti najmanje tri firme.

Osim toga, sumnjičen je da je mimo Zakona o javnim nabavkama od sarajevske firme IBS kupio računarsku opremu vrijednu 436.000 maraka. Na isti način je navodno nabavio i usluge osiguranja.

Također, sumnjičen je i da je na KCUS nezakonito zaposlio 260 ljudi, od kojih su neki imali i menadžerske ugovore. Među tim povlaštenima, kojima su na osnovu menadžerskih ugovora isplaćivane plate i honorari su spomenuta Muvedeta Čedić-Butmir, Sebija Izetbegović, Suvada Švrakić, Sandra Zubović, Mehmed Gribajčević, Damir Aganović, Mustafa Hiroš, te Enra Suljić.

Ovaj predmet je u Tužilaštvu KS-a svojevremeno istraživao tužilac Čazim Hasanspahić. Međutim, nakon što je imenovan za tužioca u Tužilaš-

tvu BiH, istraga je zamrla, da bi tek dolaskom Dalide Burzić na čelo sarajevskog Tužilaštva bila reaktivirana.

Dugi klik - kratki klik

Fikret Musić biran je za premijera KS-a kao kadar SDP-a. Imenovan je nakon općih izbora održanih 2010. godine. Na dužnost je stupio u januaru 2011. Na funkciju premijera izabrala ga je tadašnja vladajuća koalicija u Skupštini KS-a koju su činili SDA i SDP BiH. Nakon što je došlo do raskola u ovoj koaliciji, zahvaljujući

glasovima SDA, oborena je Musićeva vlada, a na njegovo mjesto imenovan je Suad Zeljković. U vrijeme kada je Musić bio premijer, njegov stranački kolega Zlatko Vuković bio je ministar zdravstva KS-a.


Najdugovječnija na svojoj poziciji je Muvedeta Čedić-Butmir, koja je u vrijeme Gavrankapetanovića obavljala istu funkciju kao i danas, a to je direktorica Stručne nemedicinske službe KCUS-a. Slovi za veoma blisku prijateljicu aktualne direktorice KCUS-a Sebije Izetbegović. Osim toga, i ime njenog muža pojavljivalo se u javnosti u vezi sa kršenjem zakona. Naime, ona je supruga Šaćira Čedića, vlasnika sarajevske kafe-slastičarnice Vatra, koji je svojevremeno bio uhapšen u okviru akcije Kasa. Radilo se o opsežnoj policijskoj akciji u kojoj su privedeni brojni vlasnici ugostiteljskih objekata zbog izbjegavanja plaćanja poreza, a koja je u javnosti bila poznata i po kolokvijalnom nazivu "dugi klik - kratki klik". Ovaj naziv je dobila jer je ustanovljeno da se klikom na računaru može izbjeći plaćanje poreza.

Predmet je prvobitno dužio Čazim Hasanspahić, nakon čega je imenovan za državnog tužioca

CT aparat, vrijedan 936.000 maraka, kupljen je od mostarske firme Medical putem otvorenog postupka, čime nije ispoštovan Zakon o javnim nabavkama BiH



Fikret Musić i Zlatko Vuković nisu se dugo zadržali u Vladi KS-a



Faris Gavrankapetanović je na čelu KCUS-a bio skoro 12 godina / SENAD GUBELIĆ